


籌辦夷務始末

咸豐朝
卷七十九之八十



籌辦夷務始末卷之七十九

咸豐十一年辛酉五月癸卯山海關監督福瑞奏竊○

四月二十三日接奉軍機大臣遵

旨傳諭到關○努謹遵於二十五日自關起程○在途次接准駐紮牛

莊管理英國事務領事密迪樂照會○內稱○據英○國派上海

繙譯官密迪樂○前往牛莊等處○辦理領事事務等因前來○

努即兼程前進○五月初三日抵牛莊○定於初五日前往英

國領事公館○會見密迪樂○議及所定通商事宜○均按和約

條款遵辦○努隨時出示曉諭店棧商民人等○遵照所定和

約條款○及一切通商事宜○辦理以期日久永遠相安○伏查

到口洋船十數隻。所載貨物。均與上海執照數目相符。現在該口商民安堵如常。海疆平靜。

硃批。知道了。

乙巳。辦理三口通商大臣崇厚奏。竊。竊。前經咨照山東署撫臣清盛。會商開辦章程。祇以二三月間。大股南捻。竄擾東境。商賈戒嚴。外國商船。亦聞風而裹足。一切通商章程。礙難籌辦。嗣據山東登萊青道崇芳。候補知府董步雲。登州府知府戴肇辰等稟稱。並開具商辦條陳。請覈前來。竊。詳加覆覈。該道等所議章程。雖係因地制宜。惟與條約新章。多有不符之處。亟應妥為酌辦。當即批飭另議。一面咨

商山東撫臣譚廷襄。並恐該道等。於現在新章。未能熟諳。轉致遇事窒礙。查登州一口。又與牛莊情形不同。向無監督。亦未設關。現今開埠通商。事屬創始。必須公正廉明。熟悉情形之員。常川駐紮。方足以資治理。竊慮呼應不靈。查總理王大臣奏定章程。准令派員前往。現查有直隸候補知府王啟曾。人品端謹。辦事精細。且該員籍隸山東。熟悉該省海口情形。以之調赴登州。會同登萊青道崇芳等。悉心籌畫。相機辦理。實足收指臂之效。業經咨商直隸督臣文煜。剴調來津。將現辦新章。面為籌商。於四月中旬。飭令迅赴登州。並咨會山東撫臣。責

令該守會同崇芳等實力舉辦。且慮開辦之初。事務煩冗。復又劉調直隸候補知縣袁文陞。河工候補縣丞曲紀官。隨同王啟曾差委。並稽查沿海卡屬。及上海驗貨發單等事。至應派通事。並外國稅務司。現已與英國人李泰。囑所舉之代辦總稅務司赫德。商酌一二人前往。幫同徵稅。庶不致日久滋弊。惟查外國商船。由閩廣上海而來。往往先到登州停泊。該口商賈輻輳。中外難處。一切事務較繁。竊恐一人耳目不及周察。相應籲懇。

天恩。飭下山東撫臣譚廷襄。轉飭登萊青道崇芳等。會同努派往之直隸候補知府王啟曾。認真妥辦。庶於撫綏地方。稽徵。

稅務。兩有裨益。至奉天之牛莊一口。本有山海關監督。經理稅務。惟各國商船進出。難免商民水手與內地民人構釁。一切交涉事件。必得隨時防範。查有候補知州馬繩武。直隸候補府經歷張元熙。均在總理衙門。並隨武備院卿恆祺。及努當差。熟悉外國情形。亦經努創調該二員。於四月中旬前赴牛莊。並咨明。

盛京將軍。奉天府府尹。暨山海關監督。就近差遣。責成會同地方營縣。稽查彈壓。俾免滋生別釁。

諭軍機大臣等。崇厚奏。山東登州新開口岸。遴委妥員前往會辦。一摺。據稱山東登萊青道崇芳等。所議通商章程。雖係因地制宜。

宜與條約章程多有不符之處。並恐該道等於現辦新章。未能熟諳。現派直隸候補知府王啟曾等赴登州。請飭譚廷襄轉飭崇芳等會同妥辦等語。登州開埠通商。事屬創始。於中外交涉事件。必須遵照條約新章。妥為籌辦。庶各國商民不致別生枝節。著譚廷襄飭令登萊青道崇芳等。俟王啟曾到後。即會同該員將一切通商事宜悉心籌畫。妥為辦理。令地方稅務兩有裨益。毋得稍存畛域。致滋流弊。

崇厚又奏。天津設立新關以來。一切事務紛繁。兼以郡城內外海河兩岸。英俄兩國兵未撤淨。自大沽海口至城南紫竹林新關海河一帶。相距二百餘里。商船卸貨。撥運到

關沿途均須彈壓防範。前經奏明。遴委正雜各員。分口稽查。嗣奉戶部轉咨。業經覈覆。奏蒙
允准在案。竊已節次咨會直隸督臣。先後劄調直隸候補知府長

啟。升用知府南皮縣知縣費學曾。候補理問何道曾。候補
縣丞程錦雲。嚴長生。候選府經歷高從望。候補府經歷童
恆麟。候補鹽大使許之泰。到津差遣。並劄派海防同知姚
經陞。署天津縣知縣張餘慶。該員等或駐紮海口。發單報
驗。或監視新關。勾覈稅課。或分赴各卡。稽查驗放。或會同
領事。彈壓商民。數月以來。尚能實心任事。且皆係去年隨
同辦理撫議事宜。於中外交涉等事。亦俱深悉。以之分飭

辦理可資得力。等當督飭該委員等。事事認真。不令始勤終怠。致有遺誤。仍隨時詳加訪察。不敢稍涉瞻徇。所有等遵飭劉委各員緣由。理合附片陳明。

硃批知道了。

壬子。

欽命總理各國事務恭親王。大學士桂良。戶部左侍郎文祥奏。竊臣等前因布國艾林波。送來條約內。有駐京一條。當將商辦阻止情形。附片具奏在案。本月十六日卯刻。據營弁稟報。十五日酉刻。有布國人三名。帶同跟役二名。馬二匹。衣箱二隻。進廣渠門。弁兵攔阻不服。即進城住西河沿東慶

豐店店主恐其滋事。不敢爭論。正在查問間。次日該外國人。已進正陽門。直入英館間壁。輔國將軍奕權之空宅。強住等語。臣等接閱之下。不勝駭異。當即派即補主事成林前往駁斥。該員尚未前往。適哥吐嗜已來公所謁見。亟言艾林波私自遣人來京。甚為非禮。若所來之人。係兵役人等。猶可恕其不知禮義。今來者係屬布國官員。尤屬不遵條約。必應將其通商換約各事。悉作罷論。以示懲儆。該公使於臨行時。復微露艾林波亦有私自來京之語。並居住奕權宅內。係俄國主使各等語。臣等復派候補參領長善前赴俄羅斯館。與固理面論。深斥其非。固理亦以艾林波

為不然。而住居宅內。則稱係該館內學生柏林。派人同往。適奕權不在宅內。又無眷屬。該布國人稱。既有此空屋。又與俄、英各館相近。暫住極為相宜。即將行李搬入等語。經長善反覆駁斥。固理亦無可置辯。惟以不能約束柏林為詞。臣等因布魯斯與英、俄兩國係屬私親。恐其從中作祟。臣文祥即於是日未刻。親赴英、俄兩館。晤見噶魯斯。責以艾林波私自遣人來京。該國既不知禮。中國亦不能以禮相待。非遞解回津。恐該國不知警畏。並告以艾林波如或來京。各城門已派兵攔阻。儻敢妄自尊大。不服攔阻。毆打官兵。彼時儻若喫虧。不得謂中國無禮。噶公使見臣文祥詞氣

憤怒。即稱現在來京之人。既係布國官員。若遞解回津。則該國似乎有失體面。不如照會艾林波。令其迅速調回。僅再不同津。自當憑中國辦理。至艾林波私欲入京。如有總理衙門照會。必當設法阻止。臣文祥即乘勢允其所請。以為轉圜地步。次日噶嚕嘶泐城交布國人。先遣一名回津。以阻其入京。臣等揀派馬弁押送同行。伏查此次艾林波私自遣人來京。非獨俄國與之朋比。即暎國亦難保不與通同一氣。況暎國與布國私親。尤必互相呼引。但折之以理。則俄暎哱三國均無可為之置辯。是其情雖鬼域而尚不能不服理論。若竟遞解回津。則激之使怒。辦理亦屬過

當○臣等即照嚕嚕嘶之語○照會艾林波○一面飛咨崇綸等○
令其責服艾使○並由臣等繕給嘆唏兩國照會○暴論艾林
波之非○雖該管弁等○所稟強毆店主○強占住宅各情○未必
盡實○而臣等即據稟添入照會內者○蓋欲使該國主知艾
林波之辦理未能妥善○不敢藉詞構釁○且使他國亦知所
警戒○嗣於二十日○據地方營汛各官面稟○布國在京二人
於寅刻出城回津○臣等仍飭差弁○跟蹤前往○查艾林波現
既如此肆行無忌○而呀吐嗜又有將通商悉作罷論之語○
原不難借此將十年後駐京之事抹去○惟持之過嚴○難保
不另生枝節○况呀吐嗜之語○是否兩邊見好○從中愚弄○均

難豫定。是以仍函致崇綸等。妥為相機辦理。俟艾使接到。照會如何情形。再定辦法。

硃批。知道了。

恭親王等又奏。正在具摺間。接據崇厚等來函。內稱。艾林波私自遣人進京一事。經崇綸等當面嚴詰。該公使無可解說。惟有深自引咎。聲稱於該國人回津時。必當根究懲辦。特赴崇綸等公寓謝罪。呈稱即寫照會申明原委。各等語。是艾林波自知其非。已可概見。乃越日辰時。復據崇綸等來函。並鈔錄艾林波照會詞氣桀驁。與晤見崇綸等言詞迥不相同。臣等亟囑崇綸等。該公使虛驕之氣。必暗有

人指使。但其技無可施。自必仍然帖服。艾使本有進京之舉。現在尚留天津。其詞雖雖強。而心已近餒。然通商換約。及往京各層。固不可徑許。以啟輕視之心。亦不可拘執。激成事端。總宜相機辦理。剛柔悉協其宜。方於事有益。恭親王等又奏。前據南營將弁稟稱。五月初六日。有外國人一名。在打磨廠興泰店居住等因。當經臣等派即補主事成林。前往喫嘴兩國詢問。據稱。並非伊國之人。此來殊屬非禮。該員復至店中查問。據稱。係荷蘭國人。名古路吉。由上海來京傳教。並呈出上海道吳煦印信執照。內寫前往直隸奉天石島等處傳教。即告以荷蘭國。並無來京傳

教條約。況執照內。亦無准其進京字樣。何得擅自前來。即應迅速出京。以免究辦。古路吉仍復狡執不去。臣等劄飭順天府派員會同成林。帶領營弁。聲稱將其押解出京。古路吉見此情形。勢難狡賴。但求免解。懇祈自行回津。旋於十五日起程出京。臣等派員暗中沿途跟蹤稽察。並一面函致崇厚。不准令其在津逗留。茲據崇厚報稱。古路吉業已抵津。僅仍久留。即由津解回上海等語。臣等查噶爾圖並未設立條約。何得遽行進京傳教。上海道吳煦。何以給與執照。業經行文江蘇巡撫查明。俟咨覆後。再行辦理。現在新設通商各岸。外國人紛至沓來。